



৯ এবং ১০ই সেপ্টেম্বর ইন্ডিয়া গেট চত্বরে ডোনার মন্ত্রকের কর্মসূচি ' নর্থ ইস্ট কলিং ' ' নর্থ ইস্ট কলিং ' - ' ডাকছে উত্তর পূর্বাঞ্চল ' শীর্ষক এক কর্মসূচির উদ্যোগ

Posted On: 06 SEP 2017 5:11PM by PIB Kolkata

ভারত সরকারের উত্তর - পূর্বাঞ্চল বিকাশ মন্ত্রক (ডোনার)- এর পক্ষ থেকে চলতি বছরে ডেস্টিনেশন নর্থ ইস্ট সিরিজের আওতায় ' নর্থ ইস্ট কলিং ' - ' ডাকছে উত্তর পূর্বাঞ্চল ' শীর্ষক এক কর্মসূচির উদ্যোগ নেওয়া হয়েছে। এই অঞ্চলের শিল্পকলা, সংস্কৃতি, ঐতিহ্য, খাদ্যাভ্যাসভিত্তিক ব্যঞ্জন, হস্তকার শিল্প, ব্যবসা এবং পর্যটনের বিষয়ে উৎসাহ জাগাতেই দু' দিনের এই কর্মসূচি। আগামী ৯ এবং ১০ই সেপ্টেম্বর ডোনার মন্ত্রকের ১৬তম বার্ষিকী উদযাপনের পাশাপাশি এই সমস্ত কর্মকাণ্ডের সঙ্গে উত্তর - পূর্বের বৈচিত্র্যপূর্ণ উৎপাদন সামগ্রীও প্রদর্শিত হবে।

এই কর্মসূচি উপলক্ষে উত্তর - পূর্বাঞ্চল সংক্রান্ত বিভিন্ন বিষয়ের ওপর প্রতিযোগিতারও আয়োজন করা হচ্ছে। এর মধ্যে কলেজ স্তরে ' কানেক্ট এন ই ' পর্যায়ে আলোকচিত্র, ক্যাপশন, ভিডিও এবং কোরিওগ্রাফির প্রতিযোগিতা আয়োজিত হতে যাচ্ছে। স্কুল ও কলেজস্তরে এছাড়াও কুইজ প্রতিযোগিতা হবে। একই সঙ্গে উত্তর পূর্বের সেবা সাজ পোশাক, গৃহ রন্ধন শিল্পপ্রভৃতির বর্ণনামূলক প্রতিযোগিতা গুলিও আয়োজিত হতে চলেছে। সবার জন্য উন্মুক্ত প্রতিটি প্রতিযোগিতায় আকর্ষণীয় পুরস্কারের ব্যবস্থাও রয়েছে। এতে যোগদানের জন্য মন্ত্রকের ওয়েব লিঙ্ক : <http://mdoner.gov.in/content/destination-north-east> - এ ক্লিক করতে হবে। কর্মসূচির শেষদিনে প্রতিযোগিতার বিজয়ীদের হাতে পুরস্কার তুলে দেওয়া হবে।

সার্বিক আয়োজনে উত্তর পূর্বের ব্যান্ডগুলির জন্য সঙ্গীত উৎসব, নৃত্যমুখর সাংস্কৃতিক রজনী, হস্ততাঁত বস্ত্রের প্রদর্শনী, উত্তর পূর্বের বিভিন্ন উন্নয়ন কর্মকাণ্ডের খতিয়ান, বিভিন্ন কেন্দ্রীয় সরকারী মন্ত্রকের স্টল ছাড়াও এই অঞ্চলের প্রতিটি রাজ্য সরকারের স্টলও সেখানে খোলা হবে। সংশ্লিষ্ট রাজ্যগুলিতে কি কি কাজ বা শিল্প উদ্যোগ গড়ার অবকাশ রয়েছে সে ব্যাপারে স্টলগুলিতে তথ্য পরিবেশিত হবে। নেবাম্যাক এবং এন ই এইচ এইচ ডি সি-র স্টল ছাড়াও উত্তরপূর্বের বিভিন্ন সুখাদ্যসহ বৈচিত্র্যপূর্ণ খাদ্য সামগ্রী প্রদর্শনের ব্যবস্থা থাকবে। এই অঞ্চলের যুব সমাজের জন্য বিশেষভাবে আশ্রয়প্রদায়ক ঘটনোৎসবের সুযোগের পাশাপাশি খাদ্য প্রক্রিয়াকরণ, পর্যটন ও স্টার্ট আপ পদক্ষেপেরও নানা সুযোগের বিষয়ে জানানো হবে। এক কথায় উত্তর পূর্বের বৈচিত্র্যময় তার পাশাপাশি দেশের অন্যত্র প্রাপ্য এই আয়োজনের মাধ্যমে উজ্জ্বল হয়ে উঠবে।

দু' দিনের এই কর্মসূচির সমস্ত আয়োজনে কোনরকম প্রবেশ মূল্য নেই। নতুন দিল্লীর ইন্ডিয়া গেট চত্বরে দু' দিনের আয়োজনই বেলা ১১টা থেকে রাত ১০টা পর্যন্ত উন্মুক্ত থাকবে।

SK/SB/JC

(Release ID: 1501928) Visitor Counter : 2

Background release reference

' নর্থ ইস্ট কলিং ' - ' ডাকছে উত্তর পূর্বাঞ্চল ' শীর্ষক এক কর্মসূচির উদ্যোগ

